

Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

§. 5. Quae praxis servanda in applicatione Missae.

urn:nbn:de:hbz:466:1-10805

offensionibus meis, eo ipso sibi applicat: sibi vero applicatum non est alteri applicabile. Tertius colligitur ex natura sacrificii, quod ita institutum est, ut pro hominibus offeratur, ac propterea illis prodeste debet pro quibus offertur. De hoc fructu medio communis sententia est, non esse infinitum extensivè, sed eò magis in singulis minui, quò magis extenditur. Debet autem Sacerdos hunc fructum illi applicare, pro quo specialiter celebrare tenetur ratione beneficij, eleemosinæ, præcepti superioris, vel alio quocunque titulo; idque ante Missam, vel faltem in Missa ante consecrationem; nam si essentia Missæ in sola consecratione confisteret, ut plerique sentiunt, applicatio post illam facta nihil valeret, Sacrificio quoad substantiam jam consummato.

§. V.

Quæ praxis servanda in applicatione Missæ.

Quia diximus, sacrificii fructum debere à Sacerdotibus applicari, operæ pretium, erit ex communi & magis recepta Theologorum sententia praxim aliquam sive methodum hujus applicationis præscribere, quæ ipsis Sacerdotibus usui sit, ne eos labi in re tanti momenti & muneri suo deesse contingat. Et primò quidem observandum est, Sacerdotem multiplici nomine hoc sacrificium offerre, nomine Christi primi & præcipui offerentis, ex cuius meritis Sacrificii valor emanat, & ex cuius voluntate maximè pendet ejusdem applicatio: nomine item Ecclesiae, cui meritorum suorum & satisfactionum dispensationem Christus commisit: deinde nomine proprio, quatenus liberâ suâ voluntate offert, sibi què aut aliis pro suo arbitrio applicat: nomine tandem aliorum fidelium, qui simul cum ipso, sive per ipsum interno affectu offerre dicuntur, illorum videlicet, qui Missa inserviunt & assistunt, vel pro ea celebranda eleemosinam largiti sunt. Porro Christus & Ecclesia Sacrificii fructum, quoties offertur, participes esse volunt omnes fideles, dummodo capaces sint & nullus in eis obex reperiatur: nec ulla requiritur ex parte Sacerdotis celebrantis applicatio, ut communis hic fructus in omnes diffundatur. Omnia autem fructum pars quædam notabilis, Christofic volente & disponente, relicta est liberæ applicationi, & determinationi tam ipsius Sacerdotis celebrantis, tamquam Ministri & mysteriorum

eius dispensatoris, quæm aliorum simul cum eo offerentium, quod ex communi Ecclesiæ consensu morem fidelium approbant, quo expertunt hoc Sacrificium pro se peculiariter offerri, manifestum est; frustra enim id facerent, si omnis ejus fructus jam applicatus esset, nec ullus per Sacerdotis intentionem applicandus supereasset. Sacerdos vero in hujus Sacrificii actione aliis cum ipso offerentibus superior est, & idē fructuum applicatio ab ejus intentione præcipue pendet, nam cum sit actus potestatis ordinis, ejus subjetetur voluntati. Sed quanta & qualis sit portio fructus, quam Christus Dominus voluit sive generatim ad omnes fideles, sive speciatim ad hos vel illos secundum intentionem particularem Sacerdotis celebrantis derivari, incertum omnino est: neque enim sacra Scriptura, nec Ecclesiæ traditio, nec Concilia, aut Patres quidquam de hac re tradiderunt aut dissenserunt. Idē satis est, quod Sacerdos tantum de fructu Sacrificii juxta devotionem, sive obligationem suam his aut illis applicare velit, quantum Christus Dominus ipsis applicandum concessit.

Observandum secundò, quod ut Sacerdos Sacrificii fructum validè applicet, necessaria est ejus intentio, qualem requiri ajunt Theologi, ut aliquod Sacramentum validè conficiatur. Quapropter habitualis sufficiens non est; actualis optima atque laudabilis, sed non necessaria: sufficit enim virtualis, illa nimis que ab actuali proveniens & non revocata adhuc remanet secundum suam virtutem. Debet autem haec intentio ipsam Sacrificii actionem concomitari, & esse certa, & determinata, nec effectum Sacrificii suspensum relinquere, quia non potest à futura conditione pendere. Quod si Sacerdos fructum Sacrificii nemini applicet, vel ille pro quo offert ejus capax non est, aut eo non indiget, manet fructus in Thesauro Ecclesiæ. Unde in tali casu optimum fore censem Theologi, conditomat habere voluntatem, & alium substituere, qui eo fructu potiatur. Optimum quoque aliquibus-viñum est, quod Sacerdos, qui pro pluribus offerre intendit, eos specialiter & nominacim exprimat, non generaliter & in confuso, quia singulis minus prodest; suum enim effectum producit secundum modum quo applicatur, perfectior autem applicatio est, cum omnes singularim nominantur. Ad scrupulos denique evitandos, qui circa applicationem oriri possunt, debet Sacerdos rejectis incertis opinionibus Sacrificii

fructus primò & principaliter illi applicare, pro quo celebrare tenetur ratione beneficii, eleemosinae, promissionis, aut specialis obligationis. Tum sine ejus præjudicio, & in quantum licet potest, alii item applicare poterit sibi charitate aut aliâ quavis ratione peculiariter conjunctis, seu commendatis, suam intentionem intentioni Christi summi Sacerdotis perfectè conformando & submittendo: sic enim poterit tutâ conscientiâ ex infinito & nunquam exhaustendo thesauro meritorum & satisfactiōnum Christi, cuius dispensator est constitutus, partem aliquam in plures derivare, quæ ex summa & ineffabili Dei misericordia non nisi uberrima sperari potest.

CAPUT II.

De requisitis in Sacerdote ad ritè & piè celebrandum.

§. I.

De puritate vitae.

Quod olim David de Templi ædificatione, id sibi Sacerdos de Divini Sacrificii oblatione, & sumptione dictum putet: Opus grande est, neque enim homini præparatur habitat, sed Deo. Ad Deum igitur accessurus, ut ipsius Dei unigenitum Filium incurvè sacrificet, cum timore & tremore tantum opus aggrediatur, probetquè seipsum, & præviis dispositionibus præparat ad uberrimos Sacrificii fructus percipientes. Sunt autem tres præcipuae dispositiones, quæ in Sacerdote requiruntur, puritas vitæ, rectitudo intentionis, & actualis devotio. Puritas vitæ in duobus consistit: Primum ut sit mundus ab omni peccato, non solum mortali, sed etiam veniali delibero & scienter admisso, atque ab omni affectu erga ipsa peccata venialia. Levia siquidem peccata omnino vitare nequimus; at ipsorum affectum penitus ex animo evellere & possumus & debemus; adeò ut nulli voluntate & affectu inhæreamus. Alterum ut conetur omni studio esse purus & sanctus, & ornatus omni virtute, sibique propter ea ilud peculiariter dictum existimet: Qui justus est, iustificetur adhuc, & sanctus sanctificetur

ad huc. Rectè Chrysostomus: Quo non oportet esse puriorum tali frumentum Sacrificio? Quo solaris radio non splendidiorem manum carnem hanc dividenter? os quod igne spirituali repletur: linguam quæ tremendo nimis Sanguine rubescit? Cogita quæ si insignitus honore, quali mensa fruaris: quod Angeli videntes horrescunt, neque liberè audent insueri, propter emicantem indeplendorem, hoc nos pascimur, huic nos unimur, & facti sumus unum Christi corpus & una caro. Docet S. Thomas, proprium effectum hujus Sacramenti esse, hominem in Deum transformare, & ipsi per amorem assimilare. Quā ergo fide debet esse imbutus, quā sperboratus, quā succensus charitate, quā prædictus innocentia, qui talem victimam quotidie immolat, Deumque suscipit, & in ipsum mysticè transformatur? Quod si dispositio, ut aiunt Philosophi, ejusdem rationis esse debet cum forma, ad quam disponit: divina procul dubio dispositio necessaria erit, ut recipiat cibus divinus; vita sic instruita, ut divina sit & superhumana, & mundanæ atque carnali prorsus opposita. Qui sic vivit, secedit à creaturis, & soli Deo adhæret: solus Deus in intellectu ejus est, solus in voluntate, solus in colloquis, solus in operibus. Nihil in illo, quod sapiat mundum, quod carnem redoleat & sensum: seipsum odio habet, corpus suum jugi mortificatione crucifigit, divitias spernit, honores fugit, amat nesciri, & pro nihilo reputari. Discutiat ergo vitam suam Sacerdos, & si talem nequaquam esse, sed adhuc terrenam deprehenderit, in divinam transferre fatigat sedula virtutum exercitatione. Huc etiam pertinet externa corporis & vestium mundities, gravitas & maturitas, quæ Presbyterum, hoc est, senorem deceat; talisque compositio totius hominis, ut omnes ex solo ipsius aspectu ædificantur.

§. II.

De rectitudine intentionis.

Secunda Sacerdotis dispositio ad celebrandum, est rectitudo intentionis, virtutus enim laudem, vel virtutis notam à fine, quem intendimus, actiones nostræ fortiuntur. Intentio autem ut recta sit, non solum excludit omnem finem malum, & alienum ab ipsa Sacrificii institutione, sed etiam vetat ad ipsum accedere ex sola consuetudine, finè actuali tanti mysterii consideratione, & præviâ præparatione. Sacerdos itaque